



Sunce će se približiti Božijim stvorenjima na Sudnjem danu tako da će im biti na milju udaljenosti

Od el-Mikdada b. el-Esveda, radijallahu 'anhu, prenosi se predaja koja se vezuje za Poslanika, sallallahu 'alejhi ve sellem, da je rekao: "Sunce će se približiti Božijim stvorenjima na Sudnjem danu tako da će im biti na milju udaljenosti." Kazuje Sulejm b. 'Amir, prenosilac od el-Mikdada: "Tako mi Allaha, ne znam šta znači milja, da li je to neka zemaljska mjera ili je to milja sa kojom se podvlači surma na oku?" On kazuje: "Ljudi će biti u zavisnosti od svojih djela u znoju, neko će biti do članaka, neko do koljena, neko do pojasa, a nekom će dopirati do usta.", pa je Allahov Poslanik, sallallahu 'alejhi ve sellem, pokazao rukom na usta. Od Ebu Hurejre, radijallahu 'anhu, prenosi se da je Allahov Poslanik, sallallahu 'alejhi ve sellem, rekao: "Ljudi će se znojiti na Sudnjem danu, čak će njihov znoj ulaziti u zemlju sedamdeset lakata a dopiraće im do usta pa čak i do ušiju."

[Vjerodostojan] [Hadis bilježi imam Muslim - Muttefekun alejh]

Uzvišeni Allah će približiti Sunce Svojim stvorenjima na Sudnjem danu tako da će biti na udaljenosti 4000 lakata, a ljudi će biti u znoju u zavisnosti od svojih djela. Različitost dopiranja znoja kod ljudi je u zavisnosti od različitosti djela, dobrih i loših. Tako će biti onih kojima znoj dopire do članaka, nekima do pojasa, nekima do usta i ušiju tako da ga guši, a sve to zbog žestine i teškoće Sudnjeg dana i njegovih strahota.

<https://sunnah.global/hadeeth/bs/show/4289>

